

## Innspel til arealDEL

Ynskjer å avsetja areal til LNF-spreidd på gnr./bnr.. 123/3 Høybrekken , Risa, Lindås i Alver kommune.  
Viser til kartskisse vedlagt.

Området er på ca. 13 mål. Vi ynskjer å få lagt inn 2-3 bustader i planperioden, om ynskjeleg kan ein auke til 4 bustader utan at vi meiner det forringar Alver kommune sine mål i samfunnsplan.  
Angitt område på Risasjøen er ikkje eit urørt område då det er etablert fleire boliger og fritidsbustadar like i nærleiken.

Området ligg på Risasjøen. Det er ikkje tomter i nærleiken av området som er omsøkt. Byggefeltet i Rissundet nærmar seg er fullt utbygd. Det er vanskeleg å leggja til rette for fleire bustader i området utan at ein kjem i konflikt med landskapsdrag. Ein ynskjer derfor å legge til rette for LNF- spreidd som ikkje vil gje eit massivt utsyn i landskapet. Ei utviding av eksisterande bebyggelse med høgutnytting ville ha påverka landskapsområdet mykje meir og vorte dominerande. Sidan byggefeltet i Rissundet snart er fullt utbygd og at det for det meste er tomannsbustader som vert bygd vil det være ein stor fordel for området å få nokre fleire tomtar der ein kan byggja einebustader. Dette vil sikre både nye og mellomgenerasjonar moglegheitene til å etablere seg i området men også kunne bu vidare i ein større bustad. Me treng autonomi i bygda på Risa og då må ein kunne byggje for framtida.

Ved å avgrense området slik som kartskissa viser, har ein tatt omsyn til koller og høgdedrag.  
Området er avgrensa mot sør for å ta vare på myr og myrdrag som vist i skisse.

Vegen inn til området er tenkt innført i same trasé som eldre landbruksveg, inntekna raudt i skisse.  
Vassforsyning og avlaup kan gå i vegtrasé og koplast mot kommunalt anlegg som ligg langs fylkesvegen.

Kartskisse



Viser til "Kommuneplanen sin samfunnssdel 2022-2034" kapittel 6.1 Samordna bustad-, areal- og transportplanlegging. Arealavsetjinga vil støtte fleire av måla i samfunnsplanen. Skal Alver kommune oppfylla strategien sin rundt levande bygder og aktiv landbruksdrift må ein leggja til rette for at gardsbruk kan verta overtatt på ein slik måte at den nye generasjon har moglegheit til å finansiere ei overtaking og slik sikre utvikling av bygdene. Slik finansieringssituasjon er for mindre gardsbruk i Vestland er det vanskeleg å få finansiert nye hus på gardsbruka som tilfredsstiller dagens krav til sikkerheit for finansiering og lån ved investeringar.

Skal Alver kommune som samfunn nå dette målet må det tilretteleggjast for at den yngre generasjon kan og har moglegheit for å ta over. Dette er ein god tanke, men med tanke på finansiering vil det vere svært utfordrande.

Viser vidare til prinsipp for landbruksutvikling i det same kapitelet:

*Alver kommune er ein stor landbrukskommune. Alver skal forbetre landbruket sin posisjon gjennom å sikre produksjon og aktiv drift av landbruksarealet, eit aktivt skogbruk og vidareutvikling av tilleggsnæringer.*

Eit av prinsippa for lanbruksutvikling peikar på at Alver kommune skal *legge til rette for at ein kan etablere bustadhus nr to og tre på gardsbruk som har eller planlegg for aktiv drift. Dette gjeld både når eksisterande hus ikkje er eigna som bustadhus (ikkje møter moderne krav) og ved generasjonsskifte*. Som nemnt over kan dette kan vere utfordrande med tanke på finansiering. Det vil kunne vere betre for dei som skal ta over å ha moglegheit til å byggja i LNF-spreidd i nærleiken av gardsbruket med eit eige objekt som vidare kan brukast i finansiering. På denne måten får ein etablere seg slik at oppvekst og livsmiljø gjer det attraktivt å byggja på slike plasser og opprettheldt bygdas livskraft som samfunn.

Eit av prinsippa peikar på Alver kommune sin visjon om eit sterkt jordvern. Innspelet er lagt slik at fulldyrkamark ikkje vert bygd ned. Vegutløysing til LNF-spreidd området vil betre tilgangen til beiteområde. (Sjå kartskisse)

Innspelet vil støtte opp under fleire av prinsippa nemnt i kommuneplanen. Ein kan behalde fulldyrka mark og samstundes utvikle bygda med fleire bustader. Bustadane vil ligge i nærleiken avl eit større bustadfelt og med det verte ein del av eit bygdemiljø. Samstundes vil bueiningane ha kort veg til Knarvik, regionsenter i kommunen, med sine fasilitetar og aktivitetar. Born kan og gå/sykle til skule og fritidsaktivitetar frå dette arealet.

Kapittel 6.3 i kommuneplanen omhandlar *prinsipp for bygde- og grendeutvikling*.

*Vi skal legge til rette for ei bustadutvikling som støtter opp om bygdene og rendene.*

Som det kjem fram i teksten over, vil forslaget støtte dette. Dette er viktige prinsipp som ein òg finn att i eitt av hovudmåla for kommunen: *Alver legg til rette for bustadområde av ulik storleik og spreidd busetnad som støttar opp om og utviklar bygdene og rendene i heile kommunen*. Alver kommune ynskjer å fremje tanken om eit berekraftig samfunn med attraktive senter og levande bygder og grender. For at bygdene og rendene framleis skal vere nettopp levande, må ein leggja til rette for utvikling og engasjement frå unge, tilbake vendte krefter. På denne måten vil fleire kunne bidra til å nå mål om lags- og kulturliv i heile kommunen.

Vi ser verdien av eit sterkt og allsidig kommunesentrums og ynskjer samtidig at forslaget skal bidra til å utvikle heile kommunen, og ser med stor glede på at Alver kommune ynskjer å leggje til rette for

utbygging og spreidd busetnad utanfor senterområda. Dette med nettopp LNF-spreidd som eit aktivt verktøy.

Med venleg helsing

Risa, 24. okt. 2022  
Astrid Aarhus Rolland